



Malittarisassat

Nunatsinni Perorsaasut Kattuffiat

§ 1

Kattuffiup aqqa angerlarsimaffialu

Kattuffik ateqarpoq Nunatsinni Perorsaasut Kattuffiat, N.P.K.

Imm. 2. Kattuffik Nuummi angerlarsimaffeqarpoq.

§ 2

Kattuffiup siunertaa

Kattuffeqarnikkut aaqqissuussaanermut tunngatillugu, aningaasaqarnikkut perorsaanermullu tunngasutigut soqutigisat siuarsassallugit.

Imm. 2. Perorsaanilerinikkut suliat ineriartortinneqarnerat pillugu oqallinneq siuarsartuassallugu aamma tunngaviusumik ilinniartitaanerit, ilinniaqqittarnerit, nangitsisumillu ilinniartarnerit ullutsinnut naleqquttuunissaat sulissutigissallugu kiisalu Kattuffiup inuiaqatigiinni ataqqineqarnera qulakkiissallugu suliatigut ileq-qorissaarnikkullu ataatsimut pisinnaasaasa annertusarnerisigut.

Imm. 3. Siunertat anguneqarsinnaaqqullugit Kattuffik kattuffinnik allanik peqatigiiffinnillu suleqateqassaaq. Kattuffik politikkimut aalajangersimasumut qilersorsimassanngilaq.

Imm. 4. Suliffeqarfinni perorsaasunik sulisoqarfiusuni ataasiakkaani sulisut amerlassusissaat sulinermilu pissutsit aamma isumannaallisaanermut avatangiisinullu pissutsit pillugit pisortat sulisitsisuusut N.P.K. isumaqatiginninniartfigissavaat kiisalu meeqqerivinnik aamma ulloq unnuarlu angerlarsimaffinnik piler-sitsisoqalersillugu akulerutsinneqartassalluni.

Imm. 5. Akissaatit atorfeqartitaanermilu pissutsit pillugit suliassat ilaasortanut ataasiakkaanut tunngasut N.P.K.-p isumaqatiginninniutigissavai.

Imm. 6. Sulisut sinniisaasa Siulersuisuunernilu ilaasortat pikkorissartinneqartarnissaat N.P.K.-p isumagissavaa. Perorsaaneq pillugu pikkorissartitsisarnerit, ataatsimeersuartarnerit, ilaasortat isumasioqatigiissinneqartarneri N.P.K.-p aaqqissuuttassavai/pilersaarusiortarneri peqataaffigissavai.

Imm. 7. N.P. Aviisimik sulianut tunngasunik imalimmik saqqummersitsisassaaq ukiumut marloriarluni, kalaallisut qallunaatullu allassimasumik, aviisilu ilaasortanut nassiunneqartassaaq.



§ 3

Kattuffiup ilaasortai

Ilaasortanngorsinnaapput ukuninga ilinniagallit: Isumaginninnermi perorsaat, meeqqerivinni sunngiffimilu perorsaat, meeqqerivinni perorsaanikkut ikiortit, isumaginninnermi assistentit, isumaginninnermi siunnersortit, isumaginninnikkut sullissit, oqalunniarnermik tusilartunillu sungiusaallutik perorsaat, barnehjælperit, socialmedhjælperit aamma inuutissarsiutigalugu ilaqutariit paarsisartut.

Imm. 2. Ilaasortanngorsinnaapput Kalaallit Nunaanni PI/SPS-imi perorsaatunngorniat socialhjælperinngorniallu, tamakkiisumik ilaasortatut piginnaatitaaffeqarlutik.

Imm. 2a). Ilaasortat ileqqusumik tunngaviusumik Ilinniarfinni ilinniartuusut ilaasortaanermut qaammammut 50,00 kr-nik akiliuteqartassapput.

Imm. 2b). Najugaq qimannagu sulitigalutik perorsaanermik ilinniartut akissaatit pillugit isumaqatigiissut atuuttoq malillugu ilaasortaanermut nalinginnaasumik akiliuteqartassapput.

Imm. 3. Ataatsimeersuarnermi ukununga ilaasortaanermut akiliut annertussusilerneqassaaq: Perorsaat, socialassistentit, barnehjælperit/socialmedhjælperit, terapeutit, ilinniartut, atuartut aamma tapersersuisut ilaasortat. Ilaasortat tamarmik qaammammut 480,00 kr.-nik, ilinniartut qaammammut 50,00 kr.-nik ilaasortaanermut akiliuteqartassapput.

Imm. 4. Ilaasortat Imm. 1-mi taaneqartut aningaasarsiaqaratik sulinngiffeqartut aamma suliunnaarlutik pensionisiaqalersimasut tapersersuisut ilaasortaanapput.

Imm. 5. Ilaasortat ilinniaqqinnissamik qinnuteqarneranni piumasaqaatinut Siulersuisuunerit immikkut akuersissuteqarsinnaapput.

Imm. 6. Ilaasortat akiliisartut tamarmik qaammatini 6-ni ilaasortaanermikkut tamakkiisumik piginnaatitaaffeqarput, ilaasortatigiit § 3, imm. 2-mi taaneqartut aamma ilaasortat N.P.K.-p suleqatigiinnissamik isumaqatigiissuteqarfigisaannit N.P.K.-mut nuuttut ilanngullugit.

Imm. 7. Allagaqarnikkut N.P.K.-mut ilaasortanngortoqartassaaq. Ilaasortanngorniarluni allakkatigut qinnuteqaatip tigueneraniit atuutilersumik ilaasortanngortoqartassaaq. Ilaasortaaajunnaarniarneq allakkatigut qaammat ataaseq sioqqullugu nalunaarutigineqartassaaq. Suliumajunnaartoqassappat ulloq suliumajunnaarfissatut N.P.K.-mit ilimasaarutigineqartoq aallarnerfigalugu ilaasortaaajunnaarniartoqarsinnaanngilaq.

Imm. 8. Ilaasortaq qaammatit 3-t sinnerlugit ilaasortaanermut akiliinngitsoorsimaguni piginnaatitaaffeerutissaaq. Siulersuisuni ilaasortaq nammineq pusuussutigisaminik qaammat ataaseq sinnerlugu ilaasortaanermut akiliinngitsoorsimaguni, qinigaaffiup nalaani tatigisatut qinikkatut atuuffimminit tamanit tunuassaaq. Tamanna aamma atuuppoq Siulersuisuunerni ilaasortanut, Ulluinnarni aqutsisuni ilaasortanut aamma Immikkoortortaqarfinni ataqatigiissaarisunut.



§ 4

N.P.K.-p aaqqissuussaanera siulersugaaneralu

Ataatsimeersuarneq:

- a. Siulersuisuunerit
- b. Ulluinnarni aqutsisut
- c. Sulisut sinniisaat

§ 5

Ataatsimeersuarneq

N.P.K.-p susassaqrifiini tamani Ataatsimeersuarneq qullersatut oqartussaassuseqarpoq.

Imm. 2. N.P.K. ukiut pingasukkaarlugit ataatsimeersuartitsisarpoq. Sivikinnerpaamik qaammatinik 3-nik ataatsimeersuarnissaq sioqqullugu ataatsimeersuariaqqusisassapput.

Imm. 3. Ataatsimeersuarnermut aallartitat: Siulersuisuunerit, Ulluinnarni aqutsisut, Sinniisoqarfinni ataqatigiissaarisut aamma ilaasortanut 30-kuutaanut aallartitaq taasisinnaatitaasoq ataaseq. Kattuffimmi suliatigut allatsi peqataasussaataasutut taasisinnaatitaanani peqataasassaaq. Ataatsimeersuarneq aalajangiisinnaassuseqarpoq aallartitat 2/3-ii najuuppata.

Imm. 4. Malittarisassanut allannguutissatut siunnersuutit ataatsimeersuarnermilu oqaluuseritikkusutat allat, ataatsimeersuarnissaq qaammatinik marlunnik sioqqullugu, N.P.K.-p allaffianit tiguneqareersimassapput.

Imm. 5. Ataatsimeersuarnissaq kingusinnerpaamik qaammammik ataatsimik sioqqullugu ataatsimeersuarnermi atortussat tamaasa, kalaallisut qallunaatullu, Immikkoortortaqrarfinnut aamma ataatsimeersuarnermi aallartitanut tamanut N.P.K.-p allaffiata nassiussuutissavai.

Imm. 6. Ileqquumik ataatsimeersuarneq makkuninnga oqaluuserisassartaqassaaq:

- a) Siulittaasup tikilluaqqusinera
- b) Aqutsisup, imaqrarniliortup oqalutsillu akuersissutigineqarnerat
- c) Ataatsimeersuarnermi ataatsimiititaliassanik qinersineq: Tusagassiornermut ataatsimiititaliaq, Inatsisinut ataatsimiititaliaq aamma taasinermi kisitsisussat
- d) Malittarisassat malillugit ullormut oqaluuserisassartalimmik aamma najoqqutassartalimmik ataatsimeersuariaqqusisimanerup akuersissutigineqarnera
- e) Nuna tamakkerlugu siulittaasup nalunaarutaa
- f) Nuna tamakkerlugu siulittaasup nalunaarutaata akuersissutigineqarnera
- g) Naatsorsuutit kukkunersiukkat aningaaserisumit saqqummiunneqarnerat
- h) Naatsorsuutit kukkunersiukkat ataatsimeersuartermit akuersissutigineqarnerat
- i) **Ataatsimeersuarnissamut siunnersuutit:**
 - 1. Siunissami suliassat
 - 2. Malittarisassat



3. Missingersuutit aamma ilaasortaanermut akiliut
- j) **Ataatsimeersuarnermi aallartitat qinissavaat:**
 1. Nuna tamakkerlugu siulittaasoq
 2. Siulittaasup tullia
 3. Aningaaserisuuneq
 4. Ulluinnarni aqutsisunut ilaasortat 4 aamma Ulluinnarni aqutsisunut sinniisussat 3
- k) Oqaatigiumasat allat

Imm. 7. Siulersuisuunerit inissinneranni marlunnik Feriefondbestyrelsimut ilaasortassanik marlunnik qiner-sisoqassaaq.

Imm. 8. Ataatsimeersuareernermit kingusinnerpaamik qaammatit 3 qaangiunneranni Siulersuisuunernut ilaasortanut tamanut nassiusuunneqartussamik aalajangiinerit pillugit kalaallisut qallunaatullu imaqarnili-ortoqassaaq Siulersuisuunernit aqutsisunit atsiorneqartussamik.

Imm. 9. Ataatsimeersuarnerup matoqqasumik ingerlanneqarnissaa piumasarineqarpat tamanna 2/3-inik amerlanerussuteqarnikkut aalajangiiffigineqassaaq.

Imm. 10. Apeqqutit N.P.K.-p aningaasaqarneranut tunngassutillit:

- a) Immikkut ittumik ataatsimeersuarneq ingerlanneqarsinnaavoq Siulersuisuunernut ilaasortat taa-sisinnaatitaasut tamarmik imaluunniit ilaasortat 1/3-iisa tamanna kissaatigippassuk.
- b) Immikkut ittumik ataatsimeersuartoqarnissaanut taarsiullugu Nuna tamakkerlugu taasisitsinikkut Siulersuisuunerit suliat aalajangiiffigisassanngortissinnaavaat.

Imm. 11. Immikkut ittumik ataatsimeersuarnissaaq e-mailikkut siumut ullunik 30-inik sioqqutsisumik ilima-saarutigineqassaaq.

Imm. 12. Immikkut ittumik ataatsimeersuarnissamik piumasaqaat nassiuunneqarsimappat, piumasaqaatip tiguneraniit kingusinnerpaamik sapaatit akunneri 2 qaangiutinnginneranni immikkut ittumik ataatsimeer-suariaqqusinissaaq Siulersuisuunerit pisussaaffigaat.

Imm. 13. Sinniisut pisinnaatitaafearput Siulersuisuunernut qinigassanngortinnissamut.

Imm. 14. Qinigassanngortitat Ataatsimeersuarnermut aallartitatut inissisimasuusariaqanngillat.

Imm. 15. Nuna tamakkerlugu siulittaasoq Kattuffiup ilaasortaanit tamanit ataatsimeersuarnermut aal-lartitaasut akornannit qinerneqassaaq. Nuna tamakkerlugu siulittaasunngortoq maannakkut atorfianit pisarineqassaaq Kattuffimmiillu aningaasarsiaqartinneqalissalluni.

Imm. 16. Siulittaasup tullia ataatsimeersuarnermi aallartitanit qinerneqassaaq.

Imm. 17. Aningaaserisuuneq ataatsimeersuarnermi aallartitanit qinerneqassaaq.

Imm. 18. Siulersuisuunerni ilaasortat 4 ataatsimeersuarnermi aallartitanit qinerneqassapput.

Imm. 19. Siulersuisuunerni sinniisussat 3 ataatsimeersuarnermi aallartitanit qinerneqassapput.



Imm. 20. Nuna tamakkerlugu siulittaasumik nutaamik qinersinermi qaammatip tulluuttup aallaqqaataani siulittaasunik nikisitsisoqassaaq. Siulittaasutut tunuartaq ulloq siulittaasumik nutaamik qinersisoqarnera tikillugu siulittaasutut atorfeqartinneqassaaq. Siulittaasutut tunuartaq suliat ingerlasimasut siulittaasunngortumut tunniunneqarnissaannut piffissaqartinneqassaaq.

§ 6

Siulersuisuunerit

A). Siulersuisuunerit tassaapput piffissani ataatsimeersuartarnerit akornanni Kattuffimmi qullersaallutik oqartussaasut.

B). Siulersuisuunerit ukiumut sisamariarlutik ataatsimiittassapput imaluunniit Siulersuisuunerni ilaasortat 1/3-iisa tamanna kissaatigippassuk, takuuk imm. 3.

Imm. 2. Siulersuisuunerit katitigaanerat: Nuna tamakkerlugu siulittaasooq, siulittaasup tullia, aningaaserisuuneq kiisalu siulersuisuunerni ilaasortassatut ataatsimeersuarnermi qinigaasut.

Imm. 3. Ataatsimeersuarnerup atuuffiata nalaani siulittaasup aamma siulittaasup tullia tunuarnerisigut, Siulersuisuunerit inissitsitertassapput.

Imm. 4. Siulersuisuunerit aalajangiisinnaatitaapput ilaasortat tamarmiusut 2/3-ii najuutsillugit. Siulersuisuunernut ilaasortaq oqarasuaatikkuat ataatsimeeqataasooq najuuttutut isigineqassaaq.

Imm. 5. Amerlaqatigiinnik taasisoqartillugu siulittaasup taasinera aalajangiisussanngussaaq.

Imm. 6. N.P.K.-p allaffiani atorfilittaq imaqarniliortuussaaq.

Imm. 7. Siulersuisuunerit ataatsimiititaliorsinnaapput aamma ataatsimiititaliani assigisaannilu ilaasortaattassatik namminneq toqqartassallugit.

Imm. 8. Siulersuisuunerit pisariaqartitsineq malillugu ataavartumik ataatsimiititaliorsinnaapput aamma suliaasanut immikkuullarissunut suligasuartussanik ataatsimiititaliorsinnaallutik.

Imm. 9. Atorfinitsitarnerit Siulersuisuunerit susassaqrfigaat.

Imm. 10. Aatsaat ataatsimeersuartaqarnerani akuersereernikkut illunik pisisoqartassaaq tunisisoqartassallunilu. Pinartunik pisisoqartillugu Siulersuisuunerit tamanna pillugu aalajangiisinnaapput.

§ 7

Ataqatigiissaarisut

Illoqarfinni/nunaqarfinni sinniisoqarfiit ataasiakkaat ataqatigiissaarisumik qinersissapput, N.P.K.-mut attaveqaataasussanik.

Imm. 2. Immikkoortortaqarfinni ukiut marlukkaarlugit 31. januar tikitsinnagu ilaasortanik naapisitsinermi ataqatigiissaarisunik toqqaaneq ingerlanneqartassaaq.



Imm. 3. Sinnisoqarfinni ataqatigiissarisunik toqqaasoqareerpat, kingusinnerpaamik qaammatip ataatsip qaangiunnerani toqqagaasut allakkatigut N.P.K.-p allaffianut nalunaarutigineqassapput.

§ 8

Ulluinnarni aqutsisut

Ulluinnarni aqutsisut inuttaraat:

Siulittaasoq
Siulittaasup tullia
Aningaaserisuuneq
Ilaasorta 1
Allatsi taasisinnaatitaanngitsoq

§ 9

Ataatsimiititaliat

N.P.K.-mi sinnisoqarfiit suulluunniit tamarmik suliassanut killilikkanut ataatsimik arlallinnilluunniit ataatsimiititaliorsinnaapput.

Imm. 2. Ataatsimiititaliaq sunaluunniit aalajangiisinnatitaanngilaq tamatigullu N.P.K.-p immikkoortortaanut aalaakkaasunut akisussaasuusarluni.

Imm. 3. Ataatsimiititaliat ataavartut kisiisa pinnagit, allamik isumaqatigiissuteqartoqarsimatinagu, ataatsimiititaliat suulluunniit atorunnaarsinneqartassapput, ataatsimiititaliap suliani suliassiisumut saqqummiutereerpagit.

Imm. 4. Akissaatit pillugit isumaqatiginninnialernermi isumaqatiginninniarnermut ataatsimiititaliaq pilerinneqartassaaq.

§ 10

Ilaasortanik taasisitsineq

Suliat pillugit Siulersuisuunerit nuna tamakkerlugu ilaasortanik taasisitsisinnaapput, Siulersuisuunerni ilaasortat taasisinnaatitaasut 3 imaluunniit ilaasortat 1/3-liisa tamanna kissaatigippassuk.

Imm. 2. Nuna tamakkerlugu ilaasortanik taasisitsineq ingerlanneqassaaq allakkatigut, pappiaqqat masannaveeqqutillit atorlugit.

Imm. 3. Pappiaqqat taasiffissat ilaasortanut tamanut inummut ataatsimut taasiffissiaassapput.

Imm. 4. Taasiffiit ataatsimoortillugit N.P.K.-p allaffianut kisitassanngorlugit nassiunneqassapput.



Imm. 5. Siulersuisuunerit kisitsisussanik aamma taasisitsinerup kukkunersiornissaanut ilaasortanik ikinnerpaamik marlunnik, Nuummilu ilaasortanik pingasunik Siulersuisuunerni ilaasortaangitsunik, toqqaassapput.

Imm. 6. Kisitsinerit inernerat agguarnilersorlugu ilaasortanut ataasiakkaanut tamanut allakkatigut, pisariaqarpallu NP-p Aviisiatigut, saqqummiunneqassaaq.

Imm. 7. Siunnersuutit allat tamarmik amerlanerussuteqarnikkut aalajangiiffigineqassapput.

§ 11

Isumaqatiginninniarnert inernerat pillugu ilaasortanik taasisitsineq

Isumaqatiginninniarnermi angusaq ilaasortanut isumaqatigiisummi pineqartunut taasisutigisassanngorlugu nassiunneqassaaq.

Imm. 2. Nuna tamakkerlugu ilaasortanik taasisitsineq ingerlanneqassaaq allakkatigut pappiaqqat imermut masannaveeqqutillit atorlugit.

Imm. 3. Taasiffissat nassiussuunneriniit kingusinnerpaamik qaammat ataaseq qaangiuppat taasiffiit kisitasanngorlugit N.P.K.-p allaffianut nassiunneqassapput.

Imm. 4. Siulersuisuunerit kisitsisussanik aamma taasisitsinerup kukkunersiornissaanut ilaasortanik marlunnik, Nuummilu ilaasortanik pingasunik Siulersuisuunernut ilaasortaangitsunik, toqqaassapput.

Imm. 5. Isumaqatiginninniarnermi angusaq pillugu Nuna tamakkerlugu ilaasortanik taasisitsineq amerlanerussuteqarnikkut aalajangiiffigineqassaaq.

§ 12

Naatsorsuutit aamma aningaasaqarneq

Kattuffiup naatsorsuutai kukkunersiuisarfimmit naatsorsuuserisarfimmilluunniit arlaannut attuumassuteqanngitsumit pimoorullugit ingerlaavartumik kukkunersiorneqartassapput. Tamanna pisassaaq ukiuni naatsorsuosiorfiusuni tamani ikinnerpaamik ukiumut sisamariarluni.

Imm. 2. Kattuffiup akiligassai eqqarsaatigalugit Kattuffiup aningaasaatai kisimik akiliutigineqartassapput.

Imm. 3. Kattuffiup ukiumoortumik naatsorsuutai qaammatisiutit malillugit ingerlanneqartassapput.

Imm. 4. Angusat pillugit naatsorsukkat killiffilersugartallit amerlasuunngortillugit pigineqassapput aamma ileqquusumik ataatsimeersuarnissaq kingusinnerpaamik qaammammik ataatsimik sioqqullugu ataatsimeersuarnissamut aallartitassanut nassiussuunneqassallutik.

Imm. 5. Kattuffiup aningaasaatai tigatoriaannaat bankimut imaluunniit sparekassimut ikineqartassapput.



Imm. 6. Kattuffik sinnerlugu Siulersuisuunerit atsiortuusassapput. Aningaaserivinni amma postgiromi Kattuffiup kontoinut piginnaatitsissutit pigineqarput siulittaasumit, aningaaserisumit aamma suliatigut allatsimit, Kattuffik sinnerlugu marlunnit ataatsikkut atsiorsinnaatitaasunit.

§ 13

Malittarisassat

Malittarisassat allannguutissaat ataatsimeersuarnermi 2/3-imik amerlanerussuteqarnikkut aalajangiiffigineqartassapput.

§ 14

Suliumajunnaarnerit

Suliatigut aaqqiagiinngissuteqartoqartillugu suliumajunnaarnerup nalaani ilaasortaanermut akiliut Siulersuisuunerit annertussusilersinnaavaat. Suliumajunnaarnissaq unitsiinnarneqarpat ilaasortanit akiliutigineqartut ilaasortanut ataasiakkaanut tunniunneqassapput. Suliumajunnaarnerup qanoq pingaaruteqartigina apeqqutaalluni ilaasortaanermut akiliutip annertussusissaa aalajangerneqassaaq.

Imm. 2. Akissaatit pillugit isumaqatiginninniarnernut atatillugu suliumajunnaarsinnaaneq Nuna tamakkerlugu ilaasortanut taasissutigitinneqassaaq. Suliffeqarfinni suliumajunnaarfiusuni ilaasortat sulileqqusaanngillat imaluunniit sulianut suliumajunnaarnermit eqqugaasunut nuunneqarsinnaanatik.

§ 15

Mianersoqqussutit aamma ilaasortaajunnaarsitsinerit

Ilaasortaq mianersoqqussummik tunineqarsinnaavoq, pineqartup Kattuffiup malittarisassaani ileqqorissaarneq, pissuserissaarneq aamma ilumoorneq unioqqutippagit, takuuk § 2, imm. 2.

Imm. 2. Sinniisoqarfiit, Ulluinnarni aqutsisut, Siulersuisuunerit aamma ataatsimeersuarnermi peqataasut mianersoqqussummik ilaasortanut tunniussisinnaatitaapput.

Imm. 3. Ilaasortaq ukiut marluk ingerlaneranni pingasoriarluni mianersoqqussummik tunineqarsimappat, § 15, imm. 4 aamma imm. 6 atuutsinneqalissapput.

Imm. 4. Ilaasortaq Kattuffiup malittarisassaanut akerliusumik iliuuseqartartoq ilaasortaajunnaarsinneqarsinnaavoq.

Imm. 5. Ilaasortaq meeqqanut/sullitanut kinguaassiutitigut kannguttaatsuliorsimasutut imaluunniit persuttaasimasutut pineqaatissinneqarsimasoq ilaasortaajunnaarsinneqassaaq, aatsaallu nutaamik ilaasortanngortinneqarsinnaalluni pillagaanerata naammassineraniit ukiut 5 ingerlareerpata. Siuliani taaneqartut ilaasortaq pinerluttuliornermut pisuutinneqarnissamut siulersuisunit tunngavissalimmik pasineqarpat, ilaasortap taamatut pinerluttuliorsimannginneranut, tassalu pineqaatissinneqarsimannginnermut/ meeqqanut kinguaassiutitigut kannguttaatsuliorsimannginnermut uppersaammik tunniussinissaa Siulersuisuunernit piumasarineqarsinnaavoq.



Imm. 6. Siulersuisuunerit amerlanerussuteqarnerisigut ilaasortaa junnaarsitsineq aalajangerneqassaaq. Pineqartoq suliaq imminermi tunngasoq pillugu oqaaseqarsinnaatitaassaaq, ajornanngippat illersorteqartinneqarluni. Suliap inernera ilaasortap tullianik Ataatsimeersuarnissamut imaluunniit Siulersuisuunerit immikkut ataatsimiinnissaannut suliareqqitassanngortissinnaavaa.

Imm. 7. Ilaasortaq Kattuffiup aningaasaataanik atornerluisimasoq ingerlaannaq atuutilersumik ilaasortaa junnaarsinneqassaaq.

Imm. 8. Paragraffimi uani Imm. 4 aamma imm. 6 Nuna tamakkerlugu siulittaasup unioqqutippagit ilaasortaa junnaarsitaassaaq.

§ 16

Malittarisassat nassuiaataat pillugit apeqqutit

Malittarisassat uku qanorpiq paasineqarnissaannik apeqqutit nassuiarnissaat Siulersuisuunerit aalajangiiffisassavaat.

§ 17

Ataatsimeersuarnerup kingorna

Ataatsimeersuarnerup kingorna, ataatsimeersuarnermi aqutsisup malittarisassat atsiortassavai.

§ 18

Malittarisassat nutaat atuutilerfiat

Malittarisassat uku iluarsaatat Kattuffiup Ilulissani taatsimeersuarnerani akuersissutigineqartut atuutilersinneqarput ulloq 26. September 2022.

Aviâja Helms
Ataatsimeersuarnermi aqutsisoq

Hans Peter Sikensen
Ataatsimeersuarnermi imaqarniliortoq

Oqaasertai iluarsaanneqarput April 2024

Kisea Bruun, Siunnersorti